

Flash Notes

Pharmacology | CNS

هنكمل إن شاء الله الجزء اللي باقي لنا في مجموعة الـ Sedatives & Hypnotics وهندأ إن شاء الله في مجموعة اسمها Major Tranquilizers.

إحنا عرفنا المحاضرة اللي فاتت كلمة **Sedative** يعني الدوا يعمل هدوء للعيان لكن مشكلته إنه بيعمل Drowsiness.

وعرفنا معنى كلمة **Hypnotic** < Drug that induce abnormal sleep، وعرفنا حكاية الـ Sleep Cycle وعرفنا إن المجموعة دي بنتكلم فيها عن 5 أدوية أشهر مجموعة فيها خلصناها الحمد لله هي مجموعة الـ Benzodiazepines،

هنتكلم النهاردة على مجموعة شبه الـ Benzodiazepines في الـ action ولكن يختلف عنه في الكيمياء، مجموعة بدأت تفقد استخدامهما عن قبل كذا وهي الـ Barbiturates وبعدين دوا اسمه Chloral hydrate وكلمتين أصغر عن الـ Anti-histaminics.

BARBITURATES

إن شاء الله تبقوا مذاكرين الـ Benzodiazepines وفاكرين الـ Pharmacokinetics.

Pharmacokinetics

:Absorption

كانوا بيتأخذوا Oral وكانوا بيتأخذوا IV صح ومكنش IM لأن معظمهم كان بيمسك في الـ Proteins اللي في الـ Muscles ماعدا دوا اسمه Lorazepam. الدوا اللي كان specific شوية اسمه **Chlorazepate** لأنه كان Inactive ويتحول لـ active metabolite عن طريق HCL عشان كذا لازم يتأخذ في وجود الحمض بتاع المعدة.

:Distribution

بيـ Pass BBB و(Placental barrier (Teratogenic).

:Fate

1- **Inactivation** (Nitrazepam, Lorazepam, Oxazepam, ...) by conjugation -> Inactive metabolite.

Or

2- **Most** -> activation by oxidation (active) -> (active)

VISIT...

LANZAROTE
Caliente.COM

وبعد كذا يمدى على الـ Liver تانى يحصله conjugation وبعد كذا Inactivation.

Mechanism of action

Agonists for specific receptors Bz or Omega (Bz1 & Bz2)
لما أشغل الـ receptors دى هيفتح Cl channels ويحصل Cl influx ويحصل Hyperpolarization
ويحصل **Post synaptic inhibition of neurons**.

طب حد يقوللى الفرق بين Bz1 و Bz2؟!

Bz1: Sedation, Hypnosis, Anti-Anxiety.

Bz2: anti-convulsant, anti-epileptic, anti-spasticity.

و بالمناسبة دي أهم actions بتاعة مجموعة الـ benzodiazepines و يعملو حاجه اسمها **retrograde amnesia** وكان ليهم استعمالات كتيرة في علاج anxiety, insomnia, convulsions, epilepsy

و عرفنا عيوبهم كان أكثرهم از عاجاً إنهم بيعملوا addiction , tolerance

و عرفنا إنه بسبب down regulation للـ receptors بقى

و عرفنا إنهم very high therapeutic index و حتى لو حصل منهم acute toxicity ده very rare
سعل علاجها لأن ليها **flumazenil** specific antidote

BZ1 receptor agonists

النهاردة بقى إن شاء الله هنتكلم عن مجموعه اسمها BZ1 receptor agonist
و اتكلمنا عنهم المرة اللي فاتت و قلنا إنهم في كتاب الفارما بيسموهم Z family هم فيهم 3 أو 4 اسامي كلهم
ببيدأو بحرف Z

اول واحد ظهر فيهم اسمه **Zolpidem**

وبعدين ظهر دوا اسمه **zaleplon**

و ظهر دوا اسمه **zopiclone**

و بعدين دوا مكتوب في الكتاب كده اسمه **eszopiclone**

They are non-benzodiazepine chemically

يعني ليس لهم علاقه كيميائياً بالمجموعة اللي خلصناها وجه الشبه بينهم إنهم BZ1 agonists يعني كده عرفنا
هيعملو ايه sedation , drowsiness , hypnosis

لكن تقريبا مش هيقدر و يعملو وظائف BZ2 يعني استعمالهم الوحيد تقريباً في علاج الأرق

:Advantages

الميزة التي فيهم مش بيقصروا أوي فترة الـ REM، وبكده تبقى أحسن من الـ Barbiturates، و أحسن من الـ benzodiazepines

:Disadvantages

يمكن من عيوبهم المشهورة short duration، و احنا اتفقنا أي دوا short acting

هصحي ثاني يوم عندي rebound anxiety

و بما إنهم بيشتغلوا على الـ BZ1 يبقى أقدر أمنع شغلهم بالـ Flumazenil

Chloral hydrate

- الدوا اللي بنسميه Chloral hydrate بيتحول لـ active metabolite اسمه Trichloroethanol و يمكن قلنا المرة اللي فاتت إن من اسمه شبه الـ ethanol أو الـ alcohol
- الدوا ده hypnotic و safe إلى حد كبير عشان كده ممكن ياخذه الناس الـ old age و الصغيرين أوي اللي عندهم أرق
- بس عشان طعمه مر أوي هو لازم يتحط مع عصير أو لبن
- الدوا ده HME inducer طالما في الجرعات العادية،
- بس لما يوصل لـ toxic dose هيتحول لـ HME inhibitor؛ لأنه هيبوظ الـ liver، وده من ضمن أسباب إدمان الكحول إنه HME Inducer
- الدوا ده بيعمل reduction of REM، و معاه Hang-over ثاني يوم

الأجانب بيهتم أوي بمجموع رقم 2 دي الأخيره في الكتاب يعني

- منديوش مع دوا بيهبط الـ CNS و أشهر دوا الناس بتاخذه كعادة هو الكحول
- لو اخدته مع الـ Trichloroethanol يحصل marked depression on CNS
- و يموت و يسميها الكتاب الحالة دي Knockout cocktail الضربة القاضية

Anti-histaminic

- الـ anti-histaminic كلنا عرفنا دورها كمنوم تتأخذ في الأرق المؤقت حاجة اسمها situational insomnia
- فيها ميزه إنها مش محتاجة prescription مش بتعمل إدمان other actions بتاعتهم
- طبعاً أسماءهم اتكررت كثير منها

1st generation histaminic دول Diphenhydramine, promethazine, hydroxyzine

مين الناس اللي عندهم أرق و مينفعش أديهم:

1- العيان اللي ممنوع فيه الـ atropine (glaucoma , prostatic hyperplasia)

2- Car drivers

خلصنا كده من الـ hypnotics فاضل آخر جزء قبل ما ندخل على حاجة ثانية

Anxiolytics

Anxiolytics يعني بيعالجوا القلق و التوتر عندنا 3 مجموعات

• مجموعة خالصنا منها كلها و هي الـ benzodiazepines

• و دوا قديم شوية و هي مجموعة الـ beta blockers يا ترى مين في الـ beta blockers اللي ينفعني كـ anti-anxiety

Non selective ولا لازم يكون lipid soluble عشان يقدر يعدي الـ BBB

أكثر واحد ينطبق عليه الشرطين دول هو الـ **Propranolol** يقلل الـ B1,B2 و يشتغل كويس أوي على الـ Brain

إمتى بدي B-Blockers في الـ anxiety لو عندي حاجة اسمها **situational anxiety** حاجه ليها موقف معين

مكتوب في كتاب القسم:

ـ لو لقيت الطريق زحمة

ـ و عند بعض الجراحين عشان يعالج الـ tremors و هو بيعمل العملية

ـ ياخدوهم مع بعض الرياضات زي الـ shooting اللي هي الرماية و الـ bolting و الموسيقيين و اللي بيواجهو جمهور

ـ و هو أحسن حاجه تتأخذ وقت الامتحانات عشان التوتر و القلق لا سمح الله D:

Buspirone

آخر دوا بقى buspirone ليس له أي علاقه بالـ GABA

يشتغل إزاي بقى ؟

يشتغل كـ Agonist على serotonin receptors

لما تنزل تحت في الشرح هتلاقي مكتوب عليها **partial agonist** و هي دي عليها خلاف:

فيه ناس بتقول إنه بيـ stimulate و ناس ثانية بتقول إنه agonist بعدين يقفل

أنا اللي يهمني انه بيشتغل كـ stimulant وبس و بيشتغل على 5-HT1A receptor

فاكرين في الـ autonomic receptor كان اسمه $\alpha 2$ اللي هو كان موجود غالباً presynaptic مش postsynaptic زي باقي الـ receptors و الـ $\alpha-2$ receptor موجود عالعصب نفسه اللي بيطلع الـ NA

كان بيعمل إيه بقى الـ Receptor ده ؟

كان بيعمل **auto regulation**

كان لما يطلع NA و يشتغل عليه يقلل خروج الـ NA كنوع من الـ feedback أو الـ regulation بتاع الـ chemical trans. بالظبط نفس الفكرة في الـ serotonin

• يعني هنا عندي خلية عصبية بتطلع مادة اسمها 5HT يشتغل عالعصب اللي وراه، بس العصب نفسه اللي بيـ release الـ serotonin عليه 5HT 1A presynaptic receptor

• يبقى عملت إيه في الـ Serotonin!؟

ـ قللته و بالتالي القلق و التوتر قلوا

تفكر يشتغل على الـ **G-Protein**!؟

هو عشان يعمل inhibition و يقلل الـ release of chemical transmitters لازم يكون شغال على Gi protein

يقلل الـ Adenylcyclase يقل الـ C-AMP و بالتالي يقل الـ Release of chemical transmitters

طيب مزاياه!

- 1- الدوا ده بيعتبروه انه **anxio-selective** مش بيعمل أي حاجة غير إنه anti-anxiety
 - 2- و مفيش فيه غير **minimal tolerance or dependence** أو فيه كتب بيقلوا لا مفيش tolerance
- هو ملهوش hypnotic , antiepileptic, etc الأخرى اللي بيسببها الـ benzodiazepines والـ barbiturates

العيوب:

- 1- إنه **delayed onset** على الأقل أسبوع أو اتنين
 - 2- مش بيعالج **حاجة تانية** ولا convulsions ,epilepsy, skeletal muscle spasm عليه أسئلة كتيرة أوي!
- ازاي في العيوب الاقيه كاتب إنه ليه anxiety effect مع إنه أصلاً بيعالج الـ anxiety و بيعمل !!nausea , tachycardia

التفسير الأكثر إقناعاً :

إنه في الفترة اللي مش بياثر فيها أوي اللي هي أسبوع أو أسبوعين دي في الـ liver يتحول لـ active metabolite اللي يروح في الـ brain و يقلل receptor 2α اسمه اللي كان

ببقل الـ sympathetic outflow

فلما اقله يعمل ايه ؟

يزود الـ sympathetic outflow

فيعمل توتر و tachycardia و ممكن تلاقي الضغط علي شوية

طب ليه ده مؤقت، ليه بعد شويه مش هيجصل الكلام ده ؟

هيبندي شغله الطبيعي as 5HT1A agonist